

LUTRIJA BOSNE I HERCEGOVINE d.o.o. Sarajevo
NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 08.03.2019. godine, d o n i o j e

P R A V I L A
novčane srećke “ZOO VRT”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke “ZOO VRT” (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “ZOO VRT”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka “ZOO VRT” je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre, koji je otisnut u prostoru za označavanje dobitka.

Član 4.

Rok prodaje novčane srećke “ZOO VRT” otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku.
Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovine i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.500.000 (jedan million i petsto hiljada) komada srećaka.

Novčana vrijednost emisije srećaka iznosi 1.500.000,00 KM (jedan million i petsto hiljada konvertibilnih maraka).

Odluku o broju serija donosi direktor Priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 150.000,00 KM.

Fond dobitaka iznosi 73,33% od ukupne emisije vrijednosti srećke umanjene za iznos naknade za priređivanje srećki ili 66% od ukupne emisije vrijednosti.

Novčana vrijednosti fonda dobitaka iznosi 990.000,00 KM i dijeli se na 330.914 dobitaka.

Fond dobitaka serije se raspoređuje po slijedećem planu:

Vrsta dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
10.000 KM	2	20.000 KM	750.000,00
5.000 KM	3	15.000 KM	500.000,00
1.000 KM	5	5.000 KM	300.000,00
200 KM	60	12.000 KM	25.000,00
100 KM	122	12.200 KM	12.295,08
40 KM	422	16.880 KM	3.554,50
10 KM + BONUS IGRA 10 KM	3.020	60.400 KM	496,69
20 KM	1.260	25.200 KM	1.190,48
10 KM	7.540	75.400 KM	198,94
BONUS IGRA 10 KM	15.980	159.800 KM	93,87
5 KM	44.640	223.200 KM	33,60
2 KM	107.060	214.120 KM	14,01
1 KM	150.800	150.800 KM	9,95
Ukupno :	330.914	990.000 KM	4,53


Prosječna vjerovatnoća za ostvarivanje dobitaka iznosi 1 : 4,53.

8. OPIS SREĆKE

Član 10.


Srećka je kockastog oblika.

Prednja strana srećke sadrži:

- Logo Lutrije Bosne i Hercegovine;
- Cijena srećke;
- Naziv srećke „ZOO VRT“;
- Veće polje, za grebanje, prekriveno emulzijom i označeno sa šest simbola, zavisno od tipa vizuala.
- Ispod ovog polja upisana je uputa: „Pronađi 3 ista iznosa i ostvari taj dobitak. Pronađi 3 puta  i ostvari dobitak od 10.000 KM“;
- Najveći dobitak 10.000 KM;
- Manje polje za grebanje prekriveno emulzijom označeno natpisom BONUS IGRA, ispod kojeg se nalaze tri simbola;
- Ispod ovog polja upisana je uputa: „Pronađi 3 ista simbola i ostvari dobitak od 10 KM“;

- Pakovni broj srećke;
- Polje prekriveno emulzijom sa natpisom „NE SKIDAJ“.


Poleđina srećke sadrži:

- Logo „Srećke s djetelinom“;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- NOVČANI DOBITAK: Ukoliko se nakon skidanja emulzije sa polja za grebanje u gornjem dijelu srećke otkriju tri ista simbola  ostvaruje se novčani dobitak u iznosu od 10.000 KM, a ukoliko se nakon skidanja emulzije otkriju tri ista novčana iznosa ostvaruje se taj novčani dobitak. Ukoliko se nakon skidanja emulzije sa polja za grebanje označenog natpisom BONUS IGRA otkriju tri ista simbola ostvaruje se novčani dobitak u fiksnom iznosu od 10 KM. Ukupan iznos dobitka predstavlja zbir svih iznosa ostvarenih u osnovnoj i BONUS igri.
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- Emisija: 1.500.000 srećaka;
- Emisiona vrijednost: 1.500.000 KM;
- Fond dobitaka: 990.000 KM;
- Datum prodaje do-otisnut na srećki;
- PLAN DOBITAKA;
- Priređivač: Lutrija BiH d.o.o. Sarajevo, Ul.Mehmeda Spahe 11, 71.000 Sarajevo;
- Podaci o dobitniku, za oporezive dobitke: ime i prezime, JMBG, adresa;
- Polje sa uplatnom šifrom u brojčanoj i bar kod formi;
- Pakovni broj srećke;
- EAN 13 prodajni bar kod.

9. OSTVARIVANJE DOBITAKA

Član 11.

Igrač ostvaruje dobitak:

- ukoliko nakon skidanja emulzije sa polja za grebanje u gornjem dijelu srećke otkrije tri ista simbola , ostvaruje novčani dobitak u iznosu od 10.000 KM,
- ukoliko nakon skidanja emulzije sa polja za grebanje u gornjem dijelu srećke otkrije tri ista novčana iznosa, ostvaruje taj novčani dobitak u jednostrukom iznosu;
- ukoliko nakon skidanja emulzije sa polja za grebanje označenog natpisom BONUS IGRA otkrije tri ista simbola ostvaruje novčani dobitak u fiksnom iznosu od 10 KM.

Ukupan iznos dobitka predstavlja zbir svih iznosa ostvarenih u osnovnoj i BONUS igri.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano „NE SKIDAJ“ se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-34-663-2/19.
Dana: 08.03.2019. godine

P R E D S J E D N I K

Miroslav Čorić, s.r.